

Almanak Uskara

edo

Iberouko Egunaria

1888 bissisto urrakoko

Jinkoua eta Herria !

Zuhuriazuna eta lana !

Eta biži bethi Uskalduna !

Iao ! Iao !

I-a-a-a-a-o-o-o-o-o-o !

SALTZEN DA

Maoulen

DETCHEVERRY Ban

Atharratzen

CAUTURE Ban

Prezioua : BI SOS



OURTHEKO SASQUAK :

BEDATSIA hasten da martchouaren	20 ^{an.}
UDA hasten da aramaiatzaren	21 ^{an.}
LARRAZKENA hasten da burullaren	23 ^{an.}
NEGIA hasten da abentiaren	21 ^{an.}

OURTHEKO BESTA KHANBIAKORRAK :

SETUAJESIMO, *ourtharilaren* 29^{an}; — HAUSTE, *baranthalaren* 15^{an}; — BAZKO, *aphirilaren* 1^{an}; — ERROGAZIONIAK, *maiatzaren* 7ⁿ, 8ⁿ eta 9^{an}; — SALBATORE, *maiatzaren* 10^{an}; — PHENTEKOSTE, *maiatzaren* 20^{an}; — BESTABERRI, *maiatza-ren*, 31^{an}; — ABENTUKO LEHEN IGANTIA, *abentiaren*, 2^{an}.

LAOUR THENPORAK :

Baranthallaren 22ⁿ, 24ⁿ eta 25ⁿ. { Burullaren 19ⁿ, 21ⁿ eta 22ⁿ.
Maiatzaren 23ⁿ, 25ⁿ eta 26ⁿ. } Abentiaren 19ⁿ, 21ⁿ eta 22ⁿ.

EKKI ETA ARGIZAGI ULHUNTZIAK :

Argizagi ulhuntze ossoua, *ourtharilaren* 28^{an}; ikhoussiko da Frantzian eta iragnen aratseko 8^{or} eta erdiik goizanko 2^{or} artio. — Ekhi ulhuntze phartekouak *baranth.* 11ⁿ *uztailaren* 23ⁿ eta *agorrilaren* 7ⁿ; eztira ikhoussiko Frantzian. — Argizagi ulhuntze ossoua *uztailaren* 23^{an}; pharte ikhoussiren da Frantzian goizanko 3ⁿ eta 8ⁿ artian.

OURTHARILA

Egunak luzatzen dira oren batez.



- Ⓐ a. l. 6ⁿ, goizeko 11^{or} eta 52ⁱⁿ.
 Ⓑ a. b. 13ⁿ, goizeko 8^{or} eta 48^{min}.
 Ⓢ l. l. 21ⁿ, goizeko 4^{or} eta 59^{min}.
 Ⓣ a. b. 28ⁿ, aratseko 11^{or} eta 28^{min}.

BARANTHALLA

Eg. luzatzen dira oren 1 eta erdiz.



- Ⓐ a. l. 4ⁿ, aratseko 7^{or} eta 35^{min}.
 Ⓑ a. b. 12ⁿ, gaiherdi eta 2^{min}.
 Ⓢ l. l. 20ⁿ, goizeko 2^{or} eta 9^{min}.
 Ⓣ a. b. 27ⁿ, gaiherdi eta 7^{min}.

1 Ig. OURTHATSE	ZIRKONZISION.
2 Astelehen.	s. Makaire.
3 Asteharte.	sa Jenevieve.
4 Astizken.	sa Fausta.
5 Ostegun.	sa Amelia.
6 Ostirale.	APHARIZIO.
7 Neskanegun.	sa Melania.
8 IGANTE.	s. Luzien.
9 Astelehen.	s. Julien.
10 Asteharte.	s. Marzien.
11 Astizken.	s. Teodoso.
12 Ostegun.	sa Taziena.
13 Ostirale.	s. Leonze.
14 Neskanegun.	s. Hilera.
15 IGANTE.	s. Paule, erm.
16 Astelehen.	s. Marzel.
17 Asteharte.	s. Antoni, er.
18 Astizken.	J. Phetiriren Jartia
19 Ostegun.	s. Kanut.
20 Ostirale.	s. Fabien eta Sebast.
21 Neskanegun.	sa Agnes.
22 IGANTE.	s. Vizente.
23 Astelehen.	s. Remoun.
24 Asteharte.	s. Timote.
25 Astizken.	J. Pauleren k.
26 Ostegun.	s. Polikarpe.
27 Ostirale.	s. Vitalien.
28 Neskanegun.	J. Johane Kris.
29 Ig. Setuajes.	s. Franzes Sal.
30 Astelehen.	sa Martina.
31 Asteharte.	s. Pierra Nol.

1 Astizken.	s. Iñazio, m.
2 Ostegun.	KHANDERALLU
3 Ostirale.	s. Blasi.
4 Neskanegun.	sa Jana, Val.
5 Ig. Setsajes.	sa Agata.
6 Astelehen.	sa Dorotea.
7 Asteharte.	s. Romuald.
8 Astizken.	J. Johane M.
9 Ostegun.	sa Apolonia.
10 Ostirale.	sa Eskolaztika.
11 Neskanegun.	s. Antero.
12 Ig. Kinkajes.	s. Tito.
13 Astelehen.	s. Jilbert.
14 Asteharte.	s. Valentin.
15 Astizken.	HAUSTE.
16 Ostegun.	sa Juliana.
17 Ostirale.	s. Silvin.
18 Neskanegun.	s. Flavien.
19 IGANTE.	GOROZUM. 1 ^a .
20 Astelehen.	s. Eucher.
21 Asteharte.	s. Pepin.
22 Astiz. IV Th.	J. Phetir. Ant. Jant.
23 Ostegun.	s. Dosithe.
24 Ostirale IV T.	s. Robert.
25 Neskanegun IVT.	s. MATHIAS, ap.
26 IGANTE.	Gorozum. 2 ^a .
27 Astelehen.	sa Onorina.
28 Asteharte.	s. Rufin.
29 Astizken.	sa Beatriz.

MARTCHOUA *edo* OSTAROUA

Egunak luzatzen dira 2 orenez.

- Ⓐ a. l. 5ⁿ, goizeko 3^{or} eta 35^{min}.
 ⓒ a. b. 12ⁿ, aratzeko 4^{or} eta erditan.
 Ⓝ l. l. 20ⁿ, aratzeko 8^{or} eta 53^{min}.
 Ⓞ a. b. 27ⁿ, aratzeko 10^{or} eta 17^{min}.

APHIRILA *edo* JORRAILA

Eg. luzatzen dira oren 1 eta erdiz.

- Ⓐ a. l. 3ⁿ, aratzeko 1^{or} eta 51^{min}.
 ⓒ a. b. 11ⁿ, goizeko 9^{or} eta 17^{min}.
 Ⓝ l. l. 19ⁿ, aratzeko 2^{min}.
 Ⓞ a. b. 26ⁿ, goizeko 6^{or} eta 31^{min}.

- 1 Ostegun.
 2 Ostirale.
 3 Neskanegun.
 4 IGANTE.
 5 Astelehen.
 6 Asteharte.
 7 Astizken.
 8 Ostegun.
 9 Ostirale.
 10 Neskanegun.
 11 IGANTE.
 12 Astelehen.
 13 Asteharte.
 14 Astizken.
 15 Ostegun.
 16 Ostirale.
 17 Neskanegun.
 18 IGANTE.
 19 Astelehen.
 20 Asteharte.
 21 Astizken.
 22 Ostegun.
 23 Ostirale.
 24 Neskanegun.
 25 IGANTE.
 26 Astelehen.
 27 Asteharte.
 28 Astizken.
 29 Ostegun.
 30 Ostirale.
 31 Neskanegun.

- s LÉON, Baion.
 s. Sinplize.
 sa Kunegonda.
Gorozum. 3^a.
 s. Teofile.
 sa Koleta.
 s. Tomas Akin
 J. Joh. Ospit.
 sa Fransesa.
 40 Martirak.
Gorozum. 4^a.
 s. Gregori handia
 sa Ufrazia.
 sa Matilda.
 s. Zakaria.
 s. Abraham.
 s. Patrizio.
 J K. PASSIONIA
 s. JOSEPH.
 s. Joakim.
 s. Benoit.
 sa Riktruda, usk.
 s. Viktorien.
 sa Berta.
 ERRAMU.
 s. Braulio.
 s. Aletsandre.
 s. Gontran.
Osteg. saintu.
Ostir. saintu.
Nesk. saintu.

- 1 IGANTE.
 2 Astelehen.
 3 Asteharte.
 4 Astizken.
 5 Ostegun.
 6 Ostirale.
 7 Neskanegun.
 8 IGANTE.
 9 Astelehen.
 10 Asteharte.
 11 Astizken.
 12 Ostegun.
 13 Ostirale.
 14 Neskanegun.
 15 IGANTE.
 16 Astelehen.
 17 Asteharte.
 18 Astizken.
 19 Ostegun.
 20 Ostirale.
 21 Neskanegun.
 22 IGANTE.
 23 Astelehen.
 24 Asteharte.
 25 Astizken.
 26 Ostegun.
 27 Ostirale.
 28 Neskanegun.
 29 IGANTE.
 30 Astelehen.
- BAZKO.
 s. Franzes P.
 s. Richar.
 s. Isidoro, dot.
 s. Vizente Fer.
 s. Prudenzio.
 s. Zeletzin.
 Quasimodo.
 Anouitzazioia.
 s. Fulbert.
 s. Leon handia
 s. Jule.
 sa Hermenej.
 s. Lambert.
 sa Anaztasia.
 sa Engrazia.
 s. Anizet.
 s. Elutero.
 s. Leon IX.
 s. Teotimo.
 s. Anzelmo.
 s. Soler eta Kaiو.
 s. Jeorji.
 s. Fidel.
 s. MARK, Eb.
 s. Clet eta Mar.
 s. Zerazio.
 J. Paule, Khur.
 s. Piarres, mart.
 sa Katalina, s.

* * * * *

USKALDUNAK

Itzali nahi ezten populubat.

* * * * *

USKAL Herria khanbiatzen arida egunetik eguniala. Zounbait denbora hountan, eskola, helturik bassa bazteretara drano, ari da goure leheneko zaharren lengouajiaren galerazten. Ez herribat ere, noun, esko-lati landa, haurrek ezteizien erraiteen egun houn frantzesez. Egunbatez, nourbaitek erraiteen zeitan igaran zela Maouleko lehen lehen kharrikan, ezpeitzian entzun ez eta hitzbat uskaraz; bai aldiz berritan biarnesez, eta haborotan frantzesez.

Lehen kolpu gaichtoua Uskal Herriari eman dero Ereboluzioniak. Idoki tu goure kostuma zaharrak, zounbeitziren gouretako eta bestetakuentako, khountu, ez gaintitzeko chediak Geroztik, jouan jinkak chiago; haieki, itchassouaren bestaldialat jouaitia, eta eskola : hoietan orotan trebes, goure kostumak, goure bizitzeko gisa, goure lengouajia, oro airian dia orozbatkoz jouaiteko.

Diala hogeibat ourthe, Biarnoko gizoun jakintsubatek, gasetabatetan erran du : « *Uskaldunak, genero badouen-bat*, zer gatik galtzera douen Uskal Herria, sarri boti « datekiala Frantziareki eta Españareki gisa oroz.

« Leheneko Uskaldunak eztiren oraikouak bezalako ; « badouatza karzeratzez oraikouak. Hegiaz alde hountakouak erabilten tu Parisek ; alde hartakouak, Madril-lak. Bestetakoueki hara hounaketan, mintzatzen dia « erdara linbatetan ; sal erospen eta tratietan hañ die « khanbio hartu, noun beita lekhu galthatzeko eia, lehen « Eropako beste genero orotarik bai hastapenez, bai « mihiduraz, bai bizi gisaz, liferent zien gizoun hetarik « direnez egunko Uskaldunak. Erran ahaleite, khountu, « Frantzesak direla, Españoulak direla. Eta haregatik « mundian ezta nazionebat erran dirouanik aourhide dela

« Uskaldunareki, 'zouñen hatsarria gorderik beitago
« ezin ezagutuz....

« Hegiaz alde hountakouak, lehenekouak bezala,
« batzarri ederreko dira; bere buriak, bere egongiak
« ahalkechun tie, erdots eta argi gaizak; bena galdu
« tienian sortzapenak eman zuzenak, *Fuerosak*, galdu
« die algaren artian izateko bere buriaz zien phakutar-
« zun gora. Berek bere legen egiteko zuzenak galdu
« zutienian, bere gisa bizitzeti baratu zien. Behin gibelt,
« gero aitzina, emeki emeki agitzen dira leheneko
« herritar Biarnesak eta Gaskeuak uduri; hoiek aldiz
« ordukoz hanitch khanbiaturik.....

« Uskaldunen khorpitzeko ekhardurak erakousten
« du kasta bestiak ez bezalakobat dela; bena haien
« mintzatzia orano haboro, hen hastapena eta algareki
« bizitzia bakhoitza dela, beste ororen artetik kanpo...
« G. de Humboldt dio uskara, mihidura mirakulutsu
« hori, mundian bakhoitza dela, Eropa ekhisargoua-
« kouan diren orotan liserent dena. *Humbolt* etarik
« landa, hañ beste ikherka izan dira Frantzian eta Ale-
« manian, noun uskaraz eginik izan diren izkiribiek
« betha ahal beiliroie librutegibat. Eroumako eta Gre-
« ziako izkiribazalek, diala bi mila ourthe eta haboro,
« mintzatu izan dira *Iberez*. *Strabonek* erraiten du bere
« denborako Iberek edo Uskaldunek bazutiela istoriak
« eta legiak bersuz edo neurthitez izkiribaturik....

« Uskaldunek orai, bere mendietan, eztie hanbat
« khountatzen ahal, mirakuluz kanpo, luzaz izatia bere
« lengouajian, bere zahar enian. Eroumanouetarik
« landa izan dien generouek eztie egin maskirik Uskal-
« dunari; ere hen denborako ber chediak eta bazterrak
« dutu. Zergatik? Zielakoz Uskaldunak libre bere
« bortietan, ihouren manupeti kanpo, beldur gabe, eta
« bere aizouak uzten phaoussian..... Egun Uskalduna-
« ren lengouajiari dira dessidiak : haren gal erazteko
« koblaturik dira lege egiliak, erabil erazliak, ofiziouak,
« tratiak eta zer nahi beita zotuku mundiaren artian.

« Espaňoula eta Frantzeza eztia ari ez bortchakaz sart-
« zera Uskaldunen lekhian : uskara mintzatzen dien
« herriaren bazterak ohikouak dira ; eta haregatik uskara
« ari da galtzen. Nahasten da bazteretikouen hitzeki,
« uskaraeki buru buztanka dieneki ; galtzen utzuldura
« chotilak, eta heben egoitera bestetarik jiten dienen
« mintzajareki ohatzen. Bere bertarzuna galtzen du, eta
« ari da murdukatzen. Goiz edo berant, Uskal Herria,
« hegiaz bi aldetakoua, arralltaturik burduñ bidez, (tresna
« uskararen galerazliak), lekhukouentako bezañ, beste-
« tarik jinentako date..... Mundiaaren artetik, jenteteli
« berhezi baten, lehen beno lehen galerazteko, Uskal-
« dunak saldokaz badouatza, batak Amerikalat, bestiak
« hiri handietat, Bordeleat, Pariseat ; eta uzten lekhiak
« hutsik Frantzesen, Biarnesen eta Espaňoulentako....

« Uskaldunen bestak, jokiak eta solassak badirade
« orano doidoia ; bena zer khanbioua oraikoz ! Eta
« kanpoti jilek eztutie ediren ohi bezañ alagera eta
« gisako. Lengouajiareki galtzen da bizitzeko mota ; eta
« hegiaz alde haraintian edo hounaitian diren Uskal-
« dunak ari dira Espaňoulten edo Frantzesten.....

« *Boti jarteñ oraiko bizizaleki, ulzirik lehen zutien
bizitzeko gisak, Uskaldunek galduren tie aitzineko izan-
tiaren orhimentchak, bere sortzapenaren bakanlarzu-
na, bere lengouaje edo mihidura ederra, eta, behar
bada, bere izena ere.....* »

Diala hogei ourthe erranik izan dien gaiza hoiek,
eztirade gutiago egia egun. Ordutik houna zer khan-
biouak ! Nouiz nahi ikhousten tugu Uskaldunak hebetik
jouaiten, eta bestetakouak hen ordari jiten.

Ordu da iratzar gitian, ezpatugu nahi ikhoussi heltzen
orai erranik izan dien horik. Erakousten deikie zoun
gaitz gudukatu behar den, korajereki eta iraitereki.
Hanitch gaiza, hatik, jouan dira ezpeitutugu ikhoussi-
ren haboro !

Hantche hortche nekez ediren da bigahirour gizoun
zahar, zaragolla moutcheki eta bilho luchiareki ; utzirik

goure bounet gaztaña kolorekoua, harturik da bounet ourdina, bluia. Emazten burukouak orai uduri du Frantziako bouneta. — Eztugu goure kostuma zaharra, besten manupeti goure begiraria, ez eta Lechтарreko khortia noun chuchentzen beitziren Ziberoutarren desbardindurak..... Horiek orok leku egin die mouda kanpoti jin elibati.

Pelotaka ere, ez eror bai eror da. Lechтарreko plazala ezta hanbat agertzen pelotakari españoul baizi. Arrabotian eta botu luzian bekhan dira arizaliak. Han hartzen du gañia belharak, beharagorik ediren erhaoutsa. Bena Maouletarrek badie araouz beste traholarik.

Etcheki dezagun pelotaka, eta par ditzagun goure aourhide Laphourtarak, behinere beno haboro ari dienak. Begira dezagun ere lengouaje ederra; eta ez utzi heben gañia hartzera kanpoti jiten dien mihidurer. Begira goure leheneko hitzak eta mintzatzeko gisa.

Uskara da munduko mihidurrik zaharrena. Goure aitek begiratu die eta gouri igaranerazi goure oundotik jinen diener igaraneraz dezagun chahu eta nahastekarik gabe.

Indarka hanitch eta borthitzik egiten die; guduka handi da : sera buhurturen gira. Hortako begiraturen dugu Ereligionia, goure lengouajaren, kountu, habe bakhoitza. Ezkitian jarraiki lur laneko aita elibati, eskusa gabe nahi beitie haien haourek katichima ikhas dezen frantzesez : ikhas eraziren deregut uskaraz. Behatuko gira igantez egiten diren uskara phederikier. Nouizian behin bortchatu bagira biarnesez edo frantzeses mintzatzera, Uskaldunen artian, bethi uskaraz. (Bretouek^rfrantzes mintzazalebati ihardetsi beno lehen zer nahi egin liroie.)

Gaseta bat bada Uskaldunen Ereligioniaren, eta aitati semiala igaran dien gaizen althe. Izena du : ESKUALDUNA. Eta da, erran zahararen araou, uskaldun eta khiristi houn. Ziberouak ere ukhenen du, denbora luze gabe, bere gaseta : ZIBEROUTARRA.

Maouleko kolejioko eskolieren jelkhitzeako egunian, Presidentak, (Ziberouko erektoetarik bat da) erraiten zian :

« Kantabre ez hezien semiak gira : gora buria !
« Gibel, khupusten, chalbaltzen dienak, paratzeko
« goure gaiza zaharak, aitati semiala jinak ezdeustu edo
« khanbiatu nahi dutiener ! Gibel uskara ahatzerazi edo
« arnegatu nahi dienak ! Gibel ezachol edo zerephel
« direnak ! Diela ouhouratu, bere buriak uskaldun
« erakousten dutienak. Lehen bere izate ossouaz hañ
« phaku zien Uskaldunen althia etcheki dezagun. Era-
« koutsi behar dienen urhatsian girenak, gochoreki
« uskaraz mintza gitian ahalik eta ardurena, orotan
« gainti, Uskaldunak gihaur girenian : uskaraz egun
« houn algarri ; uskaraz izkiriba, eta goure mihidura
« ederraren eraikiteko erantzunik izanen dienak goure
« ahalian lagunt ditzagun. »

Eta erran ahal ukhenen dugu : *USKALDUNA, orozbatkoz itzali nahi eztena.*



BOTZKAZ

IGARAN baranthallan, departamentuko haitazaliak bildurik izan dira botz emaiteko, M. Destandeu zenaren ordiari. Ziberouak, 1885^{an} haitu hobenak egunik, berheziki Atharratzeko kantounadan, eman du, azken aldian, hanitchez haboro botz Erepublikari.

Nahi dugu erran zerbait botzkaz, zouñ lan ezpeita tchipienetarik, hortarik jin behar dianarentako. — Erepublikanouek alegatu die bethi botz emaitia eztela net harainti, eztzaiola hanitch jouaiten kountzentziari; eta hori, bai ezi, erelijioniak eztiala deus ikhoustekorik lurreko goberniareki. Hola mintzo dira, berek badakie zergatik ; bena eztira chuchenian hola argudiatzez.

Ereligionia erakoutsirik izan zaizienian, ikhassi duzie bat bederak, erran eta egin dukianez oroz judizioneko egunian behar dukiala khountu eman. Eta egitatiak jutaturik dirate, ez ber bera, beraietan, bena orano haien ondoretarik.

Ber houla date botzkaz.

Zerda botzka deputatukan? Bere zuzenen ororen emaitia haitatzen dianari, harek khanberan egiteko, emailia bera han baliz bezala. Legebaten abioua ezarten dezie aitzinian; ikhousten duzu, dela houn edo gaichto, eta hantik erran ziniro nahi duzula edo eztuzula nahi.

Oraiko denboran, botzkariari galthatzen zaio haou berbera, *nour haitatzen dian deputatu*. Arren baziozu haitia houn egin dezan. Hamar ourthe hoietan haitatziak gaichki eginik izanez, khanberan izan da tzarrapalankeria eta ereligioniaren hountreko legiak. Horietan, lehen ogena deputatiena da; bena bai gero, haien igorlена, botzkariarena. Botz emailek orok hori enthelega baleze, botzka hobeki eginik lizate.

Kountzenziaz arren behar da eman botza, ereligioniaren althe ezaguturik diener, eta aitzinetik hala agerlu diener. Eta halakouak ediren tuzie chourietan, eta ez hetan baizik.

Bena, diozu, badela erepublikano ereligioniaren althe direnak.— Sinhesten duzia, gaichoua? Bai, bai, hori bera duzu haien errana eta araerrana. Eztuzu, ez, Uskal Herrian entzunen ereligioniaren kountre mintzatzen deputatu izan nahi denbat, kanpoko biltzarrenetan; bena bai hati, biikhura ttipi elibatetan noun beitakie eztietiak entzunik laborari gisakouez; beitakie ountsa elitzakela ukhen botzak. Bena haien elhiak eta egitatiak ohatzen dira algareki? Bere erraniala hourak bera dira ereligioniaren althe eta, egiaz. Eta diroie orano aspaldian eztatzekiala ereligionerik, errepublikanouek ezpalie begiratu althe jartez. (Batek erran du.)

Gizoun ohiltobat bada botzaren galthatzen, eta aran-kuratzen bazizaitzo noula ari izan den aitzineti, ukhatuko

deizu, segur bezala sinhetsirik datekiala bere erranian, edo bestela beitaki gasetak eztutiela irakourten hari mintzo dienek. Aldiz, saihetsetik emanen dizu arapostia, balinbadu kherementa zerbait ; galtha ezozu, hola legia-rentako, egitian bai erran dianez ; ihardetsiren zutu, erelijioniaz murduruku eder zerbait bouhatzez. Eta bardin phuntia jiten datekianian, chahu dukezu ollaoute-giko haga bezala.

Ohart duzie M. Renaud zena. Arren gizoun houra, bere erranen araou, erelijioniaren althekouetarik zen. Bere herrian bazouen mezalat igante oroz eta, dioienaz, astegunerez nouizian behin. Senadoretu zenian, lege gaichtouen ororen bai erran zian. Eta Parisen zenian, (berak erran ukhen deit) eztian aztala sartzen Elizan. Areta ezta eliza mentsik Parisen. Hori zer erran nahi da? M. Renaud erepublikano zela.

Erran deizie, eta hanitchek behar ukhen die sinhetsi : « *Erepublikan bagira, eta erepublika ażkar, dudarik gabe, Jinkouak hola nahi beitu.* » Eztuzu itchoussi. Ah! Jinkouak nahi beitu? Bena ohart baduzu zer ikhassi duzun katichiman, badakizu Jinkouak eztiala nahi gaich-kia ihoulaz ere, eta haregatik, uzten diala zounbait aldiz egitera. Aithortu behar da heben erepublika dugula, eztugulakoz merechi zerbait hoberik, eta iraiten badu orano, botzkariek diela iraňerazten izate haou. Bena ezta erran nahi, dugulakoz, iraň erazi behar diala bethikoz. Goure eginbidia da aldiz, gobernu gaichtobat delakoz, hountarik gabetzia, lehen bai lehen, edo gutiernetik, hastiogarri den gobernia egiten dien gizounetarik.

Arren entzuten duzienian erepublikanobat errailen erelijioniaren althe dela,.... ez sinhets, gezurra dio.


Hor da bai M. Vignancour, hañ ountsa laguntu duziena igorten khanberalat. Zer hitz emaiten zeizien erelijioniarentako? Izanen zela harentiar. Orhit niz, khountu hitzez hitz, zer zicuan Maoulen botzka aitzinian : « Ihourk eztu nik beno haboro ouhouratzen Ereligionia. » Eta lephoua ere orkheiala ezari zukien,

nahi bada eztzian erran, Ereligioniaren althe. Eta haren gatik botz eman du aphezgeien soldado jouaiteko. Aldiz 1881^{ik} 1885 artio, lehen deputatu denboran, botz eman du, edo ereligioniaren kountre, edo ez ja althe. — Eztia uduri nourbait erraiten bestebati : « Maite zutut hanitch eta ouhouratzen zutut, » eta gero, berhoundo makhila bzkareti behera emaiten?

Beste alde, Ereligioniaren kountreko legiak oro izan dira abiaturik eta eginik erepublikano gorriez eta ñabarrez; eta, Ereligioniari buhurtziaz da aiphu, orobat dirade.

Orai badakizie arren Erepulikanouak zer diren ereligionarentako.

Zounbait denboraren burian, deithurik ziateke herriko kountsellaren berritzera. Beharko dira haitatu erelijione dien gizounak ez ber bera elhez, bena bai feitez; hortan borogantchak eman dutienak, ohart zite, kountsellian hartzen direla senadoren izentazaliak. Eta hartakoz utzi bazterrialat Erepulikanouak. Indarkaturen dira majoriaren nahiz; bena jakin erazien derezie, behin bai hatzaman zutiela, bena berriz ez.



BI KHOUNTU ZAHAR

Erkula gaskoubat.

IZAN da M. de Bassabat deitzen 1681 altian, Eregeren zaldizko gizounbat, indar phouska bateki, ukhraian haborouenik. Egun batez zer egin zian, houna.

Manitchal ferrazalebaten boutigan sarthu zen, tchostatzera, alegia zamaria ferraerazi behar ziala, eta so burduña obratu bati erran zian : « Arotza, uduri zitak hire burduña chabor dela. » — « Munduko lehena duzu, eta, » manitchalak. Deus ezpaliz bezala, har burduña, eta bi

eskiez, kask ! haousten beirina bezala. « Hu ! haou zerda ? » Belhagile izan behar ziala entzun beitzeron ahapeti elhe zerbait erraiten. Jaounak nahi zeronez egin ferrabat zamariarentako. Baietz; lanari jarten da; eta burduña unkudutí suiala utzultzen dian artian, zuhatzaz M. de Bassabatek unkudia eta sotoua kapapien gordatzen tu : laour gizounek zotuka ahala beitzien. Burduña gorria arotzak unkudialat zalhe ; bena noun zen unkudia bere sotouareki ? « Zer da arren haou ? noureki niz ? » Bessapian gorderik unkudia M. de Bassabatek erraiten beitero debru char batek, tchaminian behera jin eta erouan diala, ikhoussi diala, baduzu bai ordian segurtatzen belhagile bateki dela. Jaounak pietatez erakousten deitzo erran behar dutian hitz elibat mantetch peti gora debru charari unkudiaren utzulerazteko. Manitchala elhe pouloosten mastekatzen ari den artian, M. de Bassabatek bere lekhian sotoua eta unkhudia ezarten deitzo.



Zounbat zankho dien khurlouek.

Italian Jaoun bat, messire Konrard, adichkidebatek igorririk khurlobat ukhen beitzian, manhatu zian kozinerera preste lezan barazkaitako. Berhala mania. Eta, edo halako guti zelakoz, edo eztzialakoz tcheste behinere, prestazaliari gogouala jiten zaio behar diala bere-tako begiratu azpietarik bata. Baita bai; eta egiten du.

Hañ chuchen baziren han barazkalzale saldobat egun hartan. Mahañiala zienian khurloua, haoudela azpibata ments. Ikhoussi zienian hola, naoussiak kozinerari : « Eta beste azpia noun da ? » Gezurti arrallatu beitzen mañata, bekhokereki erraiten dero khurlouek eztieila zankhobat eta azpibat baizi. « Behadi ! ouste duka eztudala ikhoussi behinere haou baizi besterik ? » — « Oh ! bena hola duzu, Jaouna ; eta, ezpaduzu nahi sinhetzi, fida nuzu horen erakoustera khurlo bizietan. » Solaz ordian. Konrard, barazkalzale gati ezpeitzen nahi

sobera sutatu : « To! fida hizanaz geroz erakoustera orano ikhoussi ez entzun eztuguna, bihar ikhoussiren diagu; bena gero, gogoua ezpaduk egiten; etzaik eroriko luria lat. Orai, abil horti. »

Biheramenian. Konrard kozinerareki badoua hartze batetara, khurlo bilgiabatetara. Lehenik saldobat ik-housten du phaoussaturik, lo direnian bezala, aztapar bederatan : « Arren, Jaouna, soizu, atzokoene errana eztenez egia. Ikhousazu badienez zankho bedera, azpi bedera baizi. » — « Eguriok, nahi derat erakoutsi badiela bira. » Hullantu zenian khantiala hassi zen : « Hou, hou, hou ! » Entzun zienian khurlouek, biggerren aztappa phaoussa, eta hegaltaz jouan zien.

« Eta errak orai, badieia khurlouek bi azpi ? » — « Bai, Jaouna. Bena atzokouari eztunian erran hou, hou, hou ! bestela khurlo horiek bezala ukhenen zitizun bi zankho eta bi azpi. » Konrarti erria ezkapi zeron, eta erran : « Abil, pharkatzen deiat, bena eztezala egin haboro. »



DUGUN HORTARIK ABOKATUBAT

ALLANDE laboraria, bihotzkatzen da. Semia Batista ari da handitzten. « Zer ofizio emanen derogu ? Abokatu baledi ! Urhe egiteko ofizioua da eta ; beita hañbeste prozeskari. » Emaztiak saihetseti : « Bai, badikezugu abokatia, eta gossez hilen gutuzu. » Gizouna berian bere, ezpeita aichtituren emaztiaren lotsa gati.

Batista eskolan da; ikhasten du latia. Etcherat jiten denian, erran ahal leite : « Batistak arropa berri du : ezta haboro laborari arropan ; jaountu da. » Tchapela bur saihetsian, sudurpeko bizarre leintha, zigarro pipa, phastaz. Ttottolo horen egiteko, senhar emaztiak gai eta egun lanian, thaiik batere ; Batistarentako, bousti

izerdiak oro. Esteiariak tinkon tink, berak noula bizi? ezogi chouriz, ez. Hor hatsarebat. Batista badoua Pariseat. Emak horti, aita, zinez; ama, leher zite lanez. Batistaen-tako sos behardela, sos, eta orano sos haboro. Sal alhorbat, sal sorhobat, gero minabersia sal, azkenian lurrik oro sal. Eztzaio baratzen begiak baizi, eta hourak tourroustatzeko. « Erran neizun bai nik, emaztiak, zer eginen zen! » — « Astaña, zerentako nigar egiten duzu? Eztukegia abokatubat! Ofizio sosgile. »

Batista aldiz zer ari zen arte hartan! Nourk dak! Aita eta ama haiduru, haiduru luzaz, bena ezta ageri. Haou dela, goiz batez, ouste semia, eta borthan sarjanta: sesiak, komendamentiak, etcherik kanpoua. Ama hiltzera ospitale batetara. Aita, ikhassirik, bena ordu berant, zakia bizkarian, makila eskian borthaz bortha, heltier orori: « Aita beno gorago eztezaziela semia eraiki. »

Hori da denbora hountako eraountsia.

Hounen khountazaliak eztu nahi erran, ahaletan denak eztiala behar eman eskola haourer bere heñaren arao, bena bai ohamerazi gacho jente gainti egiten diener, zeri buruzphiko douatzan, etcheko zaharen heñeti bere haourak khanbierazten dutienan, eta sar erazten hen burian ezin izaten ahal eztien gudiziazko gogouak.

Hortik jiten dia bazterak hartzen dutienak, philda tcharian dabiltsanak, goiz higaturik; ostatu chokouak hartzen dutienak. Hortik besteren nahasliak, hara houna utsutuki ebilzaliak. Zouñ izan zatekialarik laborari houn, langile lehenetarik, aita familiatako behar bezalakouenetarik, ezta abokatu lan gabebat baizi, enplegatu bekha-chtious eta arroundbat baizi. Eta, ororen burian, ereboluzione armadan lehenak.

Bere lanetik bizi, bena ahala eskaz dienek haourer eskola handi emaiteko, eritarzun bat bezala die haien erejenterazteko. Goberniak emanez geroz erejenter ezin etchekiten dien hitz elibat, gaitz eman bat bezala da erejenteraztia; noun eta leku beno haboro erejent beita, eta ezpeita chokhobat noun sareraz.

Gobernamentiaren beraren gasetak, (*Journal Officiel*) khountatzen zutian, abentu azkenian erejent eta erejentsa geiak, eta erraiten :

« Eskoletako ministrouak ukheiten du egun oroz galthro hanitch, erejent eta erejentsa izateko Frantzian, Aljerian eta bestetan.

« Eskola egilen saldoua osso da eta eztaite galthro horier eman bakhoich bat ere. »

Urrietaren 31^{an}, 1886^{an}, bazien :

Erejent gei.....	6,428	{ oro : 19,169
Erejentsa gei.....	12,741	

Aitzineko ourtheko chifria beno gorago bost milaz ; aourthen brebetak ukhen dutieneki, badirate orano sei mila haboro. Eta gero, bihoua ihour haouren brebeta-raztera !

Le Temps, beste gasetarepublikeñ batek, ber gaizaz mintzatzian, erran du : « Hori bera da erejent eta erejentsen khountia, leku haiduru dienena. Chifru horik lotsagarri dira. Nouiz izanen da aski leku horier orori bedera emaiteko !


« Azken ourthe hoietañ erejent eta erejentsa igaran dienetarik pharte hounbat gazte dira. Uduriak oro batu, luzaz egonen diela kargian, behin sarthuz geroz. Zer helturen da arren gerouan khountatzen dien erejent gei trister ? Orai badie esparantcha, bena bethi egurukitez, etsituren dira. Eta ordian !

« Eztaite haientako egin deus: bena haier so, eta oun-dokouek ikhas beze. — Erejenten izatia, lehen beno inbeiagarriago delakoz, hartara phoussatu tu boullta handi batek. Ikhoustez orano serora eskola egilen lekhiak hustera zouatzala, hanitch abiatu dira erejentsatza, bazatekiala leku ororentako.

« Ezteia franko berant gibel utzultzeko ? Baratzen dienak saihetsialat leku gabez, eztirade oro jelkhiten kolejiouetarik ; bada erejentetarik ere jelkhizaliak, eta handitzez saldoua izanen da, ezpada bide berri zerbait hartzen. »

Bere haouren erejenteraztia gogouan dian laborariak, so egin beza houni. Ihour plañi da, arrazoueki, langilerik eztela lurren erabilteko. Bena, nourena da falta? Aita eta amena, ouste badie bardin dela bere haourek ez ukhenik ere inbeia lur lanian aritzera; eta ordian laguntzenbeitutie hiri handietat, edo beraien estatutik, beste zerbait urhatsetara.

Aita familiatako ziradenak, hirialat igor ordu zien haourak, zihauen khantian etcheki itzazie; abokatu edo erejent beno lehen, hetarik egizie laborari. Hobeki izanen dira, ziek ere bai!



JAOUN JUJIAREN AITZINIAN

NAHASTEKAKO khortian, Presidentak jakile bati : « Zin egiten duzia erranen duyula dakizuna oro, deus gorde gabe? » — « Bai, jaouna, zin egiten dit. » — « Eta arren, zer dakizu? » Jakiliak : « Deus ere. »

* * *

Emazte batek galthatzen zian senhareti berheztia, joiten zialakoz nouiz nahi. Jujek jakiliak erranzun zutien. Lehenak erran zian : « Egun oroz, erran ditezu, entzuten dit Barras emaztiaren joiten. » Presidentak : « Bena eztuzu ikhoussi? » — « Ez, jaouna, entzun dit. » — « Ezpaduzu entzun baizi, eztuzu segurtatzen ahal deus; zouaza jartera. »

Bigerenak, ber jakilegoua. Presidentak : « Bena, hots, eztuzu ikhoussi? » — « Ez, bena entzun dit » — « Zouaza jartera. »

Hirourgeren jakilia, emazte chahar bat : « Egoiten nuzu M. eta M^a Barrasen aizo. Eztizugu arte, pharete mehe bat baizi, eta hen elhiak oro entzuten tit. Segur-

tatzen ahal zutut gacho emaztia ussu zaflaturik dela. » — « Bena, eztuzu ikhoussi? » — Eztit ikhoussi; bena kounprentu dit joiten ziala Barrasek, eta joiten ountsa zinez; segurtatzen zutut. » — « Ezpaduzu ikhoussi, zouaza jartera. »

Zouelarik bere lekhialat, emazte chaharrak igorri zian gibel ouhats bat. Erriz oro. Presidentak, chutiturik, eta ordukoz pazentzia galdurik: « Madama, khortia eztuzu aski erespetatzen. » — « Zer? jaouna! » — « Eztuzu khountugin, eta... » — « Ikhoussi duzia? » — « Ez bena bai entzun. » — « Ezpaduzu ikhoussi, zouaza jartera. »

Emazte chaharra, tther tther, bere jargialat. Presidenta ttotto. Han zienek, saihetser etcheka; solaz!

* * *

Tribunaliala jakilebat badoua astegunenkitto. Presidentak zorrozki: « Zertako eztzira beztitu chahuki-chiago, justiziala agertzeko? » — « Ene fe! jakiliak, zuk bezala egin dit: jin nuzu laneko arropeki. »

* * *

Parisen, justiziako zortzigeren khanberan. — Presidentak mañotatu bati: « Eztuzu ofiziorik? » — « Zer! eztudala ofiziorik? Hirour etan koundenaturik izan nuzu ouhouñ bezala. » Presidentak: « Eta zouñ da arren, zoure ofizioua? » Ouhouñak: « Zishaouk ezagutu duzu. » — « Eztuzu behinere lanik egin? » — « Orotarik isseiatsu nuzu. Jaoun aberats baten karroucha zañ izan nuzu; zordiztatza sei hilabeteren soldatak. Sarthu nunduzun gero bankierbaten mithil; galthatu zitazun hirour ehun libera berme: eman nitzozun; lekhia hountu dizu Amerikalat, erouan bi miliou eta ene ehun lusa. Bortchatu nuzu ezagutzera ouhouñ izatia dela ofiziotako hobena... laranren egitiareki ihour phakaturik duzu. »

* * *

Abokatu elhebat. — Bertanago primutzeko aita eta ama eho zutian semebat defendatzen zian abokatubatek. Haren elhe tzurubilari beha asserik beno haboro, chu-

titzen da, eta aithortzen bere ogena. Presidentak, aski zela : « Aithortzen du. » Ordian abokatiak : « Jaoun Presidenta, ogendantak aithortzen diala, badukezu ; bena nik eztit aithortzen ! »

Ebaslebat khortiaren aitzinian. Jaoun jujiak erraiten cero : « Zoure ebaskerian, baduzu ungaragarri phezurik : orderana (edo mountra) ebatsi duzu kolejoko zoure lagunari. » — « Jaouna, hala duzu ; bena berak hartara erazi nizu. » — « Noulaz ? » — « Bai : kharrikan bathudit ; aspaldian eznizun ikhoussi ; nahi zizun, bada eta ez, jouan nendin haren etchera, *zerbail hartzera.* »



ESKOLETZAZ

1882^{ko} eskoletako legia hasi da bere fruten emaiten, frutu tzarrak... Aourthen berriz mintzo gira ountsa kounpreni erazteko zounbat importa dian legiari buhurtzia eta haren frutu hastialer.

Dugun lehenik bi hitz ministrouak, setemer urhentzian eman dian maniaz : *Serora erejentsarik ezuela haboro herriean iżentaturik iżanen, ez B. Pireneetan ez beste zounbail departamentutan.*

Aitzine hortan, Rouvieren ministerio berriaren hatsarian, ouste ukhen dugu behin behin Ereligioniaren kountreko errabia ematzena zouela. Bakezko eta moderazionezko ministro abiatu izan dia elhetan eta ere obretan. Bena kaseta gorbeltez akhulaturik, laster aitzinekouak bezañ gaistotu dira.

Uskal herriko laour eskoletarik serorak, prefetaren manuz, igoriak izan dia. Hañbeste ourthez eskolak ederki etcheki dutien serora maithatiak bai Mougereti bai Arbonati bai Zouraidati bai Donaphaleuti aizaturik dira, libertatien izenian. Zer libertatia ! Herriaren gogoz kountre oro

idokirik, hañounsa noun, Laphourdiko hirour herri horietarik bietan aribeitira jadanik serorategi egiten, eskola libro haien begiratzeko. Donaphaleun aldiz, nahi bada erepublikeñ dien famaz, seriousialaz geroz, nahi die bere haourentako eskola Ereligioniareki. Ezi hirour fraide ekharerazirik eskola libro egiteko, 80 haourek henganik erezebitzen die eskola Jinkouaren araberakoua. Erejentak eztu berrogei bat haour baizi, chatharetan dien haourak khountaturik. Mouthikouentako erelijionedun eskola nahi badie Donaphaleutarek, zounbatez hobeki nahi die neskatilento! Herriko kountsellia ezta kountsultaturik izan seroren idokiteko, eta kestione da prefetaren arrestatiaren nuleraztiaz.

Biba Donaphaleutarak eta ara biba! Ala beitire, sohaio ezpadira, khristi balinbadira, Maouletarek behar aragretatu beren igaran ourtheko ezacholkeria, bi eskola Jinkotiar utzi dutielakoz khanbiatzera. Han baziren eskolategiak, eta halaz eztzen sakrifizio handirik egiteko. Deus eztie egin, eziseiatu! A kountrari, laour ehun libera kountselliak botatu du Jinko gabeko eskolen alokaidiaren.

Ziberouan ere, serorak dien herriean, nouiz nahi behar da eguruki ber guduak. Esparantcha azkarbat badut Ziberoutarrak buhurtuko diela, Montoriesak, Donaphaleutarak, Manechak, Biarnesak buhurtu dien berindarraeki; eskola Jinkotiar berriak eraikiren diela besten saihetsian, zien haourer erakousteko Jinkouaren beldurra eta Ereligionaren amodioua. 1886^eko legiak ephantchu handirik ezarri du eskola librouentako; egin behar dutukezien sakrifiziouak phezu dirateke. Erepublikaren legar gorek, saltzepen eskazek, sakrifizio horiek emendatuko dutie. Bena zien haouren arimaz da kestione: aita amek kounprenitzen duzie zien eginbide herchibat dela hori. Batek ezin diona, saldouak egiten ahal du: sos ussiak egiten tu ehun liberakouak. Boronthathe hounak, algareki enthelegatzia eta Jinkouaren beneditzioiak burutan jouan eraziko zutie.

Legiaren arabera, ezta haizu katichimaren erakous-tia eskolan, eta Ziberouan obediturik da zinzinez legia. Eskoletan badira orano Ereligione katolikouaren señale bakhoitch elibat, nahiz, igaran ourthian erran dugun bezala, botzka egunetan botz zounbait bildu Erepublikaren gaintialat, eta beldurez populia lotseraz. Hare-gatik Ereligioniaren marka horiek ere eskolan eguneti eguniala galtzen ari dira; sarri deus ere eztateke.

Aphezak, lanik handienak dutien egunetan, bortchatu dira haouren biltzera Elizan, hañ aisa zatekialarik kati-chimaren ikhastia eskolan. Aita eta amer da abisatzia, haourak araheinki jaraiki ditian instruzione haier.

Eskolan haourek, salbu beharena, hanitch gaiza ikhasiko die, libertitzen, izkiribatzen eta beste asko gaiza; ikhasiko die ere, eta haou da lotsagarri Jinko gabe eta otohitze gabe bizitzen, Ereligioneko pratikarik, gabe, zounbait aldiz aphezaz trufatzen, Elizako bestez khonturik ez egiten, Elizako legez ezachol izaten. Erejent eta erejentsek ezteie erakousten ahal ountsa egin dezen Jinkoua gatik, edo kountzentzia gatik, edo Jinkouak egiten dian mania gatik; bena solamente beren intres propiak gati, bere pollitarzuna gati. Zer zedaria gaizkiti ephantchatzeko eta ountsaren egiteko! Arduregi orano agituko da erejent eta erejentsa zounbaitek, bere aitzin-dari ereligione gabiak uduri izan beharrez, emanen tiela eskandalak, mentez haouren ezpirituan lanthaturik egonen beitira.

Haouren arimen phouzouatze hori da krimorik izigarriena. Geroko adelatzen tu damu galgarrienak. Krimo handienen pare gastigaturik izan beharluke, zeren den atakatzen haour inozent, haour sinheskor, eta hategati bere beitaz gaichkialako injogidurareki, bere burien begiratzen eztakien haour elibati.

Krimo hori egiten dianak, eta hobeki, eginerazten dienak, Jinkouaren eta zozietatiaren etsai tristenak dirade. Ezta hitzik haien aski maradikatzeko. Egunko egunian gizounen legia haien althe izana gatik, egun-

batez Jinkouaren justizia izigarriak egurukiten dutu. Ordian orhituko dira Ebanjelioko hitz hounen egia lotsagarriaz : *Nourk ere eskandalisatzen beitu nitan sinhesle dian haour tchipi horietarik bat, egiaz, egiaz, erraiten dereiziet, hobe lizatiala harentako eihera harribat lephouan itchasso zolalat ourthoukirik izatia.*

Egun holako da legia, tzarra, eta arroundian Ziberotarrak legia den ber erespetatzen du. Bena Jinkouaren legiaren kountre den legia deus ere ezta, deuz baliorik eztu. Kountzentziak debetatzen du hari obeditzia : Jinko hounari arnegatzia lizateke. Holako ordietan dutie behar aita amek, haourek, aphezek khiristi guziek erran Apostolien ahoti elkhi hitz horiek : *Hobe da Jinkouari obeditzia, gizconner beno.*

Erelijione gabe haourak eraikiten dutien aita eta amak ogendun dira aitzindari gaistouak bezañ, eta Jinkouari khountu garratzbat zor dukie. Ogendun eta zentzugabe dirade : ogendun, zeren ukho egiten dien aita eta amen lehen eginbidiari, zouñ beita Elizaren laguntzia haouren salbatzen eta santifikatzen; zentzugabe dira zeren egunbatez bilduren beitie ereñ direna, ordu berant ohartukobeitira frutu tzarrak baizi eztutiala emaiten ahal eskola gaistouak. Arduran fedia eta Jinkouaren legia gabe, hen semiak izanen dia haour gaisto eta abre elibat etchekouentako; alhabak, haour arhin eta nigar kharatsak ichoureraziko dienak. Guti dira, edo, egiaz, batere ezta, ounest eta garbi baratzen direnik, kountzentzia, Jinkouaren beldurra eta sakramentien sokhorri baliousa gabe.

Arren, aita eta ama maitiak, beldur izan gerouaren, Jinkouak khountu galthaturen deiziela zien haouren ariamaz, hen fediaz eta bizi mouda garbiaz. Ez ahatz eztuziela zuzenik errelijione gabe zien haouren eraikitzeko, zihaourek ziniatekiela mundu hountarik beretik lehen punitiak. Zientako dela kountzentziazko eginbide herchibat, bekhatu mourtalaren pian, ez solamente othoitzen erran eraztia etchen, Jinkouaren zerbutchaeraztia, bena

orano haitatzia eskola aitzindari laguntzen ahal zutienak bide hortan.

Deus ekhoizpenik eztateke eskola ezpada khiristi familia bezala, eskola gisabat, eta etchia balinbada bestebat.

Badakit hanitch lekhutan neke datiala, haboroche lekhutan goberniaren eskola Jinko gabia baizi eztielakoz. Erejent hounak gerouago ararotzenago dira; eztira ere nutre izaten ahal, eztira libre; eta hartakoz dira plañigarri kasik bortchatu dielakoz phakatzen dutian gobernia uduri izatera. Helgaitz izigarribat da, bena zouñen kountre orok algarreki buhurtu behar beituzie, iratzaririk egoitez eskolan erezebitzen dien erakouspenetan gañen. Ohart etcheki eskola gaichtoua beno hobe dela gabia.

Eta khiristi hounek eraikiten badie herrian edo hulanian eskola jinkotiarra, ez ahatz zientako eginbide herchibat datiala zien haourren lehen beno lehen hartara igortia, eskola gaichtotik zalhe khentzia. Ezi familiarentako, Elizarentako, zozietatiarentako eskola khrististia dateke oraiko eta geroko salbagarri, aldiz mouda berriko eskola Jinko gabia, oraiko eta geroko ezinago galgarri.



EREZETA

I. — Aihen ostouaren eritarzunaz eta sendotzeko erremediouez

BADU bostpasei ourtheren ungu runia eritarzun berribat agertu zaikula Uskal-Herrian, frantzesez *mildiou* deitzen dena; zouñ eritarzun aihen ostouari eta erran ditezu beste frutatzen ostouer atakatzzen beita. Eritarzun haou jin den lehen aldietan, ezte-

rogu kasu handirik egin oustez eta eztzatekian deus handirik. Bena nabasiki, 1852^{ian} agertu laña *oldium* deitzen dena beno lanjerosagoua da azken jina, zeren hounek eiharterazten beitu aihenari ostoua, eta gero ondoua.

Badakigu noula bedatse oroz Joudane Jouhane altiari agertzen den, behin behin ostouaren aldepeko gaintiala, tchinilla edo grossa chouribaten itchuran, eta gero, ostouaren aldegañia hollitzu eta eihartuz, goizik erorerazten dian ostoua. Ostoua gabe, zuhaña ezta deusetan ere, hantik dianaz geroz hats hartzen eta bizitzeko hazkurutik phartebat bilhatzen. Hortik, mildiouaz hartu aihenari laia phuntak berde baratzen, mahatsa desbar-din hountzen, eta ardoua egin ondouan troublatzen edo nahasten.

Eritarzun lanjeros hounen erremedioua, sofria bezala irouske edirenik da, eta edirenik hasartez edo heltu beharrez. Houna noulache.

Bada Bordale altian miñaberse eremu handibat, batere zerratu gabe, bideberria erditarik igaraiteen zaiona. Bideberri harten igarailek mahatsik jan ez lezen miñabersen buruzagiari jin zeron gogouala behar zutiala bi-diaren bedera gaintitarik lehen bost edo sei herroken mahatsak eta ostouak mazkarotu, bitriol eta latsun hourez ihiztatzen zutialarik, ihourk mahatsik har ez lezan. Noula ordunkoz mildioua hassirik beitzen jiten, miñaberse hetako ostoua goizik eihartu eta erorizen; beria eztzen guti nauossiaren eta igarailen estounamentia, ikhoustez bitriolak eta latsunak hounki aihenen ostoua eder, fresk, eta mahatsak beltz beltza, eder eta ezinago ountsa hounturik.

Gaiza hoiek ikhoussirik, M. Millardet deitzen den Bordaleko profezur jakintsubat hassi izan da gaitz berri hounen estudiatzen eta egin du drogabat *Bouillie bordelaise* izena eman derona, (eta zouñ droga eginik beita bitriolez, latsun beroz eta hourez), ostouaren gaitzetik begiratzeko. Eremedio haou phentsatu denetik berhala,

mundia hassi izan da, bai Bordale altian, bai beste lekhietan, aihenen [eremediatzen M. Millardeten instrutzionen arabera, eta hala egin dienek, ostouak eta mahatsak ezinago ederki kountserbi ukhen dutie.

Bena eztugu aourthen hurrun jouan behar ikhousteko zer feit bitriolak latsunareki egiten dian aihenetan. Ziberouan berian, Maoulén, Gotañen, Zalgizen eta beste hanitch lekhutan, esperientzia egin die, eta klarki age-ri da bitriola latsunareki dela aihen ostouaren sendotzeko eta mahatsaren edertzeko erremediorik segurrena eta baliousena.

Noula behar den eremedioua prestatu. — Barrika zahar buru ideki batetara ezarten duzu *berrogei eta hamar litre hour*. Hartara ezarten duzu *laour kilo bitriol ountsa chehekaturik*, eta nahasten duzu makhilabateki.

Beste bojabatetan ezarten duzu *zazpi kilo latsun bero mokhorretam*, eta latsun hartara husten duzu emeki emeki *hamabost litre hour*. Latsuna hourtu denian, pirkornak ountsa cheheka, eta husten duzu latsun hora barrikan ezari duzun bitriol houriala eta han algarreki nahasten.

Horra eremedioua prest aihen ostouen ihiztatzeko. Bena abisa houni : 1^{ik} bitriolak eta latsunak behar diela bere ber hourterazi, eta gero, bedera gainti hourtu ondouan, algarreki nahassi; 2^{ik} latsunak bero izan behar diala eta ez dartarri; Biarnokoua houn da eta bai Ziberoukoua ere, gizeneti den ber; 3^{ik} bitriola behar dela haitatu bluenetik, klarenetik, eta ez kaparous kolore.

Noula eazar eremedioua. — Denbora idorrareki jouaiten zia miñabersiala eta hasten zia ostouen ihiztatzen erhatz tchipibateki ilharriz eginik, iskerreko eskian bertz tchipibatetan droga edo eremedioua erabilten duzularik. Eztuzu nessessari ostouak oro koteaz thapaturik izan ditian, ez eta ere ostouak oro hounkirik izan ditian drogaz. Bena zeri kasu egin beharden duzu,

mahatsen ez ahalaz drogaz hounkitiari, zeren bitriola phozou beita. Haregatik ez lotsa, mahatsak herakitia-reki phozoua oro galtzen dizu. Lanjerik gabe mahats jan nahi dienek aldiz, aski dizie mahatsen trenpatzia hourian minagre amiñibat ezarririk eta arra igaraitia hour chahubatetan berriz, gero jateko.

Urhentzen dizugu erraitez badiela aihenen zalhe ihiztatzeko machina elibat. Ounsa eginen duzie, biga edo hirour junta, eta halakobat erosten baduzie. Bada prezio orotarik. Merkena eta ber denboran hobenetarik bat da Noel Parisekouak egin diana : eztu sei libera bazik balio.

Houna M. *Millardeten* arabera, zer ordutan behar dien ihitzatu miñabersiak *Bouillie Bordelaise* rekin. — *Oïdium* laña sofratzen den bezala, mina jin gabe, ber gisan mildiouak ere behar du, agertu beno lehen ihitzatu lehen aldikoz, aihena lili den aitzineko astian. Eta haregati lilitu gabe ezpaliz urhenturik ihiztatzia, behar lizate lili denboran jarraiki, esperientziak erakousten beitu guti dela mendretzen.erekolta.

Bost edo sei aste berantago, zuhur denak berriz ihiztatuko du aihena, nahi bada lañarik ez lizatekian ageri.

Possible da hirour geren aldi batez eskusatzen ahal lizatiala ihiztatzeti, berheziki uztaila eta agorrila hanitch idor badira eta mahatsa argitzen bada osto eihartze handirik gabe. Bena ezta ahatze behar erekolta segurtatik izana gati kondizione horietan, ar douaren kalitaria flaka ahal litakiala ostoua eihart baledi mahatsaren hountzeko phuntian. Ber gisan ezta ahatze behar berouña igaran artio ostouak etchekitzen badu, zoura hobeki egiten dela, zañak azkarrago baratzen diela izotz eta kharrouer buhurtzeko, eta halaz oundoko ourthekeo esparantcha segurrago datiala. Uduri zait, arren, arroundian, zuhur dena eztela eskusatuko hirour geren ihiztatzeti agorrila altian, eta lehen ere aihenak beharra markatzen badu.

Lehen ihiztatzian drogak behar du iraouri osto guzier, eta berheziki lehen agertier. Bigerren aldian, ihizta berheziki, lehen ihiztaldiaz geroz agertu ostouak. Eta hirour geren aldian ihizta bigeren aldia geroz sorthu ostouak. Ihiztatze horiek behar die egin bethi gañeti behera. Ihiztatzetzi landa, lehen hogei ta laour orenetan gertha baledi euri eraountsi handibat, lana aouher lizateke eta arahasteko. Ihiztatu den oundoko laour egunetan eztukie behar adar laiek ez etcheki ez eta alchatu.



II. — Mahats graspatik egiten den ardoua

Ardou guti egiten den ourthe hoietan, zertako laboraria ezta hobeki baliaturen bere mahats graspaz, ihourk ardou haborocheren ukheiteko zederian eta sosik ez ezarteko edari drogatu erosten? Houna arren mouda berribat zerbutchu eginen diana miñaberse dien jenter orori, mahats graspaz bigeren ardoubaten egiteko, kasik lehena bezañ houna, delikatia, eta kountserbatzeko houn datekiana.

Holako *ehun* boutilla ardouen egiteko hartzen duzu *hirour etan hogei* kilograma graspera, *hamazazpi* sukre eta *ehun eta hamar* litre hour. Graspak izan behar dizu brentsati landa *fresk*, eta *urrina houn*, (bestela gasta liozu ardoua), hourak aldiz *klar eta chahu*, ala izan dadin uhaitzekotia, errekokotia, ala phutzukotia; sukria *ogilan deneti* erran nahi beita chouriti eta ez kassounada.

Egiteko maneria. — Barrikabat buruz gora ezar, eta hartara husten duzu zoure graspera eta 110 litre houra. Binataren egiteko bezala, hourak hartu dianian kolore amíñibat, zolako bouchouti idokiten duzu bertz handitarrabaten heña eta beroasten suian, kasi heraki artino; hara husten sukria hourtzena, nahasten duzularik.

Sukria hourtu den bezañ sarri, buruz gora prestatu duzun barrikala husten duzu sukre hour berotia, amore-

katik eta hounek epheleraz dezan barrikan dien graspera eta hora, 28° edo 30° centigrades tara drano. Hebentik aphurbaten burian, herakitzia hassiko duzu, mahatsarena bezañ handi, eta irañen dizu bi hogeita laour orenen un-gurunia. Herakia ichiltu bezañ sarri, ardoua eginik duzu.

Prestatzen duzu ountzibat zederian, eta hartara ezarten zoure bigeren ardoua, graspera arratinkatzen duzularik. Erran tugun lan horien ountsa egiteko, behar-dikezu grasperak barrikan ezartiareki ountsa cheheki, phorroki, eta gero, ardoua herakiten ari den denboran, grasperak ardura nahassi. Net ountsa dukezu ere ardoua ezarten dukezun barrikaren alumetstatzia ardouaren ai-sago klar eraziteko. Nourk ere nahi beituke ardou erran duguna beno haboro egin, harek aski duke ardou egin nahi dukiaren araoa ezartia thupan graspera, hora eta sukrek, (ehun litre ardou bakhoitzaren behar delarik 60 kgr graspera, 110 litre hora eta 17 kilo sukrek), eta segurizaten ahal da badukiala ardoubat houna, eta hanbate-naz haren zedera emendatuko diana.

Heben erranen dizugu, ardou eginak badukiala 10 degrés alcool edo indar, zounbait degrés herriko ardoueek beno gutiago, bena haregatik zouñ nahi bezañ houn iza-nen da, bai edateko, bai begiratzeko. — Saldu nahi baduzu ardou hartarik, behar duzu erran erostunari grasperatik egin ardoua dela. Legiak hala nahi dizu eta garrazki puni zintiro erostuna troumpa bazeneza.

Dagun ourtharilan, *Eskualduna* izena dian gasetan, mintzaturen gutuzu sukriaren merkiago erosteko administracioniari egin beharden galthouaz, ezi gobernamen-tiak eztizu ephantchatzen holako ardouaren egitetik, eta sukria merkiago ukhen eraziko dizu galthoua ordu deno eginik den ber.



III. — Toumataren eta lur sagarraren eritarzunaz.

Ber tratamentia egiten ahal da toumatari eta lur sagarrari, *bouillie bordelaisereki*. Bena ostouak denbora llaburen barnen egiten tielakoz, prekzioz zounbait hartu behar da. Mina jin gabe ihiztatu behar da aihena bezala, arhinkiago bena ussiago. *Toumataren* eremediouak behar duke egin bost edo sei egunetarik, eta ukhuratu lanthariak bere gorapen geia egin dukianian, sagarrak agertu ondouan.

Lur sagarrarentako, aldiz, aphasago baratzen delakoz, biga edo hirour ihiztaldi drogareki aski dira. Lehenak egin behar du maiatz azkentchiara, sasoua ezpada bero eta bousti. Hala baliz, lehenago lehiatu behar leite egitera.

Lur sagarraren edo toumataren osto eriak idokitzten direnian, eztie behar utzi lurrian, ez eta gorotziala ourthouki; lehen beno lehen erre erazi behardie, zerena eta eritarzunaren burnoua oundoko kountserba beileite, bai lurrian bai gorotzian.

Badira lur sagarra maite dienak chollki egossirik, edo entsaladan, besteagorik gabe. Bena ardura agitzen da hoursu eta bella, goustia eta itchura galdurik. Bada mouienbat aisa bere goiduraren sagarrari begiratzeko. Aski da hora ountsa heraki denian baizi lur sagarraren bertzialat ez botatzia, eta egossi dienian berhala houreti idokitzia.

Houna toumata sagarren ossorik begiratzeko bidebat, ororek egiten ehi dena. Haitatzen dia toumatarik ederenak eta sanouenak, ountsa hounturik. Gero, ountsa tchukatu oundouan, phikatu gabe, ossorik herokatzen dia beirina ountzi handi edo thipiñabaten barnen gañiala artio, eta ordian thipiña edo ountzia bethatzen da hour gaziz miñagre chortabatez emendaturik. Behar da *sortzi* pharte hour, *batzat*, eta *bestebat* miñagre. Gañiak estali behar du erhibat lodi olioz. Gisa hortan mentez kount-

serbatzen dia toumatak; zortzi hilabeteren burian orano sano dira. — Ezta hanitch khosteko isseiatzia.



IV. — Beste eremediobat mildiouaren kountre.

Bada erhaouts berhezibat, deitzen *sulfo stéatite cuprique*, eresultat araroua eman diana mildiouaren kountre, lur sagar eta toumataren eritarzunetan. Houra nekez izaten den miñebersetan, hanitch komodo da. Segur da 1886^{an} goithu dutiala oidioma eta mildioua ber denboran. Indarra azkarrago du erhaoutsaren emaitian bousti badira ostouak eta denbora, 25 edo 30 kilo aski da laour ithegunentako, eta erhaoutsak oston gaña *arhin arhina* Bouhatu behar du, *bouillie bordelaise* emaiten den hirrour sasquetan. Doi bouhatzen dian bouhader espressukoua saltzen da sei libera Tolosan.

Erhaouts horeki eztu behar osoki ostouak chouritu; osto tendren basterraq erra litiro. Aski da bistak ikhous-ten ahal dian estalgi meheñibat. Emaiteko thenorerik hobena da goizan goizik hamar orenetara drano edo euri houn batetarik landa.

Noula mildiouarentako beita eremedio hori oidiomaren beno segurago, agert baledi haregatik oidioma mahaitsian, aihenak sofratu behar luke, erran den erhaoutsak ezpalinbadu chahatu oidioma.

Erhaouts hori da biderik segurena toumaten eta lur sagarren chahu begiratzeko. Lehen bouhaldiek flaku izan behar dukie. Emanen dira lantharek zehebat gora dukiolarik eta boullia emaiten den ber ordietan. Erhaouts hori khostatzen da bost edo sei sos kiloa.



V. — Kukien galeraztia graneretarik.

Urrin borthitzeko belharrek badie photeria kukien ohiltzeko. Hartakoz aski da ogi athian sartzia chichari belhar, ahamenta, meldo eta urrin borthitzat dien belhar eskutara zounbait. — Ilhar irinak, ogi athiala ereñik, eta gero ogiareki phalabateki nahassirik, horek ere ohiltzen dutu.

Kaseta serious batek emaiten du orano mouien haou. Bertz handibat betha ezazu bassa phiperaen ostoz. Ostouetan gañen ezarten duzu 750 grama gatz larri, biz-pahirour baratchouri buru eta feretabat houren altia. Oro algarreki egoserez ezazu, eta egoskin horeki bousta granereko selaoua, pharetiak eta ogi athia, nahassi gabe. Ihiztatze hori egin bezañ sarri, kukiak saldoka elkhitzent dira ogi atheti; eskrebiza egozia bezañ gorri hilik baratzen dira ihiztatu lekhian igaraiten balinbadira.

Balizateke beste erremedio bat, eta segurena, bena badu, egiten den denboran, lanjer handibat, pipa edo khanderabat granerialat eraman baledi. Haou da. Poutikairian erosten da boutillabat *sulfure de carbone* izena dian drogati. Ogia athetu gei duzun selaour solala bareiatzen duzu. Selaour sola hortara athe zazu zoure ogia, ogi hori ountsa thapa estalgiz, eta kukiak zalhe galtzen dira. Ogia giza hortan trataturik izan denak, deusere eztuke urrinik gero aizatzen balinbada.



1887^{eko} EREKOLTA

EREKOLTAK orotan buruturik dira, ogiak jorik : aisa da jakitia ogien khountia. Orotako berriak jakinik Laborantzako ministrouak deklaratu du eraiki dela Frantzian *ehun milion ektolitra* ogi, edo phezutan *laourelan hogeit eta bost* kintale. Egia bada ere,

liferentzia ttipibat estimazione hortan gañen erediten die bi gasetak (*Bulletin des Halles* eta *Echo agricole*) bere gainti egin dien inkestan. Haien dioie eraiki dela 117,000,000 ektolit. ogi, edo, phesutan, 92,000,000 kintale. Nounti nahi oro akort dira eraiteko aourthenko erekolta, artekobat beno hobia dela eta bibia araroua dela. Beste bihi subertiakhatik, garagara, sekalia, olhoua, eztira harainti. Frantziako beharruniak heben berian suplitzen ahal dira aren; eta haregatik kanpotik zinez ari dira khareatzen. Igaran agorrilan berian, sarthu izan da Frantzian 853,000 kintale bihi atzetik.

Houna, goberniaren arabera goure departamentuko khountiak : Lur ereñek badie nounbait 48,780 ektara, eta ekhoizpen eman die 780,480 ektolitra, edo, phezutan, 594,284 kintale. Bata beste ektaran izan da hamasei ektolitra bihi. Arthouazkestione aldiz, ororen errana da sekula izan den ourtherik hobena izan dela, Jinkouari esker, zouñek kountsolatzen beitu lotsaturik dena hari pharatzen denian.

Berouñak ere egin dira; beste ourthez beno haborochiago ardou egin da orotan eta Ziberouan ere; bena kalitatia hanitch houna, mildiouak ostouen pharte baizik erorerazi eztian miñebersetan. Gaitza ere flakiago zen igaran ourthian beno zeren zen denbora idor eta eremediouda egin izan delakoz. Hanitch lekhutan lachuki baratu da egiteko boulliarekin hirourgeren ihiztatzia.

Atzian, guneka hanitch eman du mahatsak. Espanian eta Portugalen noun ezpeita mildiourik, esparantcha beno haboro izan da. Portugala berheziki hañ aberats zen noun thupak faltatu beitira. Leheneko denboretan Frantzian ezguniana ber phena irousua !



Bassa bazter batetako Eretor batek behar beitzian trebesatu uhaitza, bere zaldi beharri luzia nekez sar erazi zian igarangiako bachelian. Sarthurik ordukoz bazen ofizier gazte bat, zouñek, ez sobera ounestaterek, erran beitzeron : « Gisala, Janartora, zien herrian astouak lotsor tuzu ; zouria, segur, ikhare dardar duzu. Elikezu behar halakatu ikhoussiz geroz zu khantian zutiala. » Arapostia : « Bazunu zuk ere khorda bat lephoti, hounek bezala, ferrak aztalian, aphez bat saiheitsian, haou beno ikhare ago zintake. »

Bassabazter batetako eskolan, haourer erejentak erakousten zian soustratzioneko erekla : « Eia, khountu ossobatetarik idekiten badut laourdunbat, laouretan, eta hori berhala, zer baratzen da ! » Ichil oro jargietan. « Eztuzie enthelegatzen ! Esplikaturen deiziet. » (*Sakolati mersikabat (edo pheskabat) idekilendu.*) « Horra mersikabat : laourdenkatzen dut : (*hetara begiak armaturik haourak.*) jaten dut bat, bestebat, eta bestebat, eta bestia : zer baratzen da ? » Batetan orok : « Ezurra !! »

Kountselluko sartuz geroz, zer gora zer behera zouen, arankura zen Allande. Egun hoietarik batez, merian khountatzen zutian igaran ourtheko ezkountziak. Ajuentak erran zeron zer ikhertzen zian. Allandek : « Nahi dit jakin emazte beno haboro gizoun ezkountzen denez. »

Barberbat zahartzen hassitorik, eztzen hanbat arankura jouan lekion ihour gaiaz amurratzera. Gaiherditan iza-nik eribatetara, oherat ari zelarik, emour gaichito, zeren jaiki erazi zien thenore hartan, borthan tanp, tanp ! « Zer da ? » — « Othoi, bertan, bertan ! Ene semiak iretsi dizu sagubat. » — « Arren errozu irets dezan orai gathubat. Emazie phaoussia ! »

Taoula d'host batetan, gizoun iede gabebat ari zen,

bera, eta luzaz, argudiatzen Jinkorik eztzela. Barazkalzale lagunetarik bateri ere ezpeitzeren balia emaitia arapostu, zartez unguratzan delarik *Lacordaire* phederikari aiphatiari buruz : « Jaouna, zouri duzu goure argitzia gaiza handi hortan. Erraguzu, ezteia zorokeria, kounprentzen ahal ezten gaizaren sinhestia ? » — « Ez batere, ihardetsi zeron ; nik eztit ouste hola. Kounprentzen duzia noulaz suiak hourterazten dian gourhia, eta gogorterazten araoutzia ? Bi gaiza bedera gisatako eta ber kaousati jiten ? » — « Ez, erran zian ; bena zer erran nahi duzu hortik ? » — « Haou : zuk ez kounpreniturik ere hori, haregati sinheste baduzula mouletetan. » Gizoun fede gabe hora ichiltu zen ; barazkalzale lagunek, aldiz, trufaz gaintika eman zeren.

Mendi chendabat gainti, bazouatzan hamabi hachero kountrebandan, chorrouak pholboraz betherik, eta hatsalbo. Chorrouetarik bat chilaturik, thir, thir, ichouri bidian pholbora ; aski beitzatian salhatzeko kountrebandistiak nountik igaran ziren. Bat utzultzen da gibel, jakitera noun hassi den ichourten ; arte hartan beste hamekak, haiduru, nourk bere chorouetan ttottoturik. Pholbora herecharen baztera ediren dianian gibel jouanak, haren chahatzeko sourdakeia har, eta emaiten dero su. Four, four, su garra hameka lagunetara. Ale milakoua, zer da haou ?... Chorrouak har, aztalak ahint, laharro-kaz, gibel sorik ez.

Khountu haou, datekian egia segurenatarik da ; hamabi hachero hetarik bat bizi da orano, hounen khountazale eta barreiazale.

Anderebatek bere chakhurrari : « Ago ichilik, Azor. » Eta chakhurrak aitzina : « Haou ! haou ! » — Zouñen itchoussi ! hou ! hou ! » — « Haou ! haou ! » — « O ! hou, hou, itchoussi ! » — « Debria ! madama, igarailebatek, zañak ozkiturik, ~~itzitela~~ phuru biak batetan ari tchanpaz. »

**

Elhesta luche. — Parisen, biltzarenian zirelarik lege egiliak, deputatubat mintzatu zen hirour orenez, ez hats hartu gabe, bera bai ekhuratu gabe. Beha zirenetarik biga biharamenian algareki; batak bestiari : « Entzun duzia noula mintzatu den hirour orenez ekhuratu gabe ? » Ihardestia : « Errazu, ezkounturik zira, ni ere bai ; ene emaztia mintzo duzu eguna oro athertu gabe ! »





BEGITHARTE HORIEK :

- ⌚ erran nabi du : Estiapen hastia *edo* argizagi bethe.
- ⌚ " Argizagi azken laourdena.
- ⌚ " Gorapen hastia *edo* argizagi berri.
- ⌚ " Argizagi lehen laourdena.

IGARAN ourtheko Almanaka burutən jouan dela-
koz esparantcha dugu aourthenkouak ere
hounki jindukiala, Goure frankoki mintzatzia
zaourthuche tu goure departamentuko kaseta
gorriak. Noun horak mina, han mihia, errana den bezala.
Goure kountre egin die artikulu luze bedera : gaichto
izan nahiz, zoro baratu dira, eta ezgira besteagorik
arankuratu.

Eztzeien aski goure almanakari oldartzia bere kasete-
tan. Izentatzen ahal nukian herribatian, bere eskolaz
okupatu ordutan, erejent batek, etchez etche persegitu
du furian, mehatchia ahouan. Azkenekotz emanerazten
zian Almanak izigarria eta mouzinkatzen *edo* suialat
egochten. Eztakit balentria gaitz horen burutzeko gal-
thatu ere dianez jandarmeriaren lagungoua.

Biziki kountsellatzen tugu Almanakaren erostunak,
aourthen berritzen badu ber sentheria jaountto horek,
kanpouan ezar dezazien, mehatchatzen duzielarik,
buhurtzen bada, eskalanpou muthurra zalhekitto eazarriko
deroziela nahi eztian lekhian. Phentsatzen dugu batzarri
horek ematuko diala laster haren suia.

Inkhazgina naoussi eta libre da bere chilouan, milatan
gehiago laborari etcheko jaouna bere etchian.



HANITCH KHASU ABIS HOUNI :

AOURTHENDANIK, almanaka eginik izanen da bi kaieret algarreki jossirik. Lehena, mehe mehia, hamabi hilabeteren egunaria dateke eta ourthiaren urhentzian berhezi behar duke, nahidenaren egiteko. Bigerren kaiera edo phartia, mintzo datekiana istoriaz, abis hounez laboraria-rentako, erezetaz, etc., harek berak ourthe oroz behar duke begiratu arankurareki. Pajia markaturik dutuke bost ourthez arrount. Bost ourthe-tako kaier begiratiak, 1892^{ian} algarreki josten ahal diateke libru gocho eta balious baten egiteko. Bost ourthe horietan eman artikulien eta erezeten edirengia in prima eraziko dugu 1892^{eza} almanakaren urhentzian.

(Begiratzeko kaiera tchipiaren barnen, eguna-riaren barnen date; arren aski dukezie lehen bi hollen urratzia ourthiaren burian; ber denboran azken biak urraturik izanen dira. Halaz eztukezie ez kaier desegiterik, ez josterik, eta esta algia kountserbatuko duzie.)



MERKHATIAK ETA FEIRAK

MAULEN : m., asteharte oroz ; f., burullaren 6ⁿ. — ATHARRATZEN : m., astelehenez, amoustetik ; f., Phentekoste biharamenian eta Donisantore odonko astelehenian. — DONA JOANE GARAZIN : m., asteleh. amoust. ; f., Bazko eta Phentekoste ondoko astehartian. — DONA PALEUN : m., ostir., amoust. ; f., Bazko ondoko ostegunian, eta abentiaren 26ⁿ. — GARROZEN : m., ostir., amoust. ; f., agorrila 1ⁿ eta azaroko lohen astizkenian. — IRISSARIN : m., neskaneg. amoust. ; f., baranthall. 3ⁿ eta aphiril. 15ⁿ. — HAZPARNEN : m., asteheratz ; f., Bazko ondoko astizkenian. — IZOURAN : m., asteleh. amoust. — NAVARENKOSEN : m., astizk. ; f., Erramu aitzineko astizkⁿ, eta abentⁿ 8ⁿ. — ORTHEZEN : m., asteh. ; f., martchoko eta urietako lehen astehⁿ. — OLOROEN : m., ostit. eta asteh. ; f., maiatz 1ⁿ, eta burrullⁿ. 8ⁿ, hirour eg. — PAUBEN : m., astel. eta osteg. ; f., Gorozum. lehen astelehⁿ, eta Joundane Martinez, 8 eg. — SALIESEN : m., ostegunez ; f., baranth. heren astizkⁿ eta urrietaren asken ostegunian.



Abisbat

Ocharterazten, ugu 1886eko setemer lehenian emanik izan den aresta n arabera, goure departamentian izanen dela 18. ouhourezko primen konkoursak, laborantel handi arteko eta tchiparentako, ala izan dadin k n hourtatziaz, ala baratzez, ala zuhañez chako journaletor eta miskandiez. Gizoun tubalio.

Edirengia

- I. Uskaldunak
- II. Botzkaz
- III. Bi khountu zahar.....
 1^a Erkula gaskoubat
 2^a Zounbat zankho dien Khurlouek
- IV. Dugun hortarik abokatubat
- V. Jaoun Jujiaren aitzinian.....
- VI. Eskoletzaz.....
- VII. Erezeta
- 1^{ik} Aihen ostouaren eritarzunaz eta sendot-
 zeiko eremedioez.
- 2^{ik} Mahats graspatik egiten den ardoua.
- 3^{ik} Toumataren eta lur sagarraren eritarzu-
 naz.
- 4^{ik} Beste eremediobat mildiouaren kountre.
- 5^{ik} Kukien galeraztia graneretarik.
- VIII. 1887^{eko} Erekolta.....
- IX. Urhentzeko istoria edo erassi zounbait..

1

10

27